

【無貪善根】（科註第六三二頁倒數第一行）

《三藏法數》：謂於五欲之境，不貪、不著、不愛、不樂，此無貪法，是善種性，能為無量善法根本，故名無貪善根。（五欲者，色欲、聲欲、香欲、味欲、觸欲也。）

【道光】（科註第六三三頁第一行）

《佛學大辭典》：（術語）道之光明也。道體清淨，離一切過垢，照破無明之闇，故曰道光。

讚阿彌陀佛偈曰：「道光明朗色超絕，故佛又號清淨光。」

【密號】（科註第六三三頁第五行）

《佛學大辭典》：（術語）又云金剛名，灌頂號。密部所唱之金剛名也。如大日如來曰徧照金剛，阿彌陀如來云清淨金剛。